

(2) Ovaj Kolektivni ugovor kada se zaključi, dostavlja se kantonalnom ministarstvu nadležnom za rad, u skladu sa Zakonom o radu.

Broj 480/24
12. februara 2024. godine
Sarajevo
Za Samostalni sindikat
osnovnog obrazovanja i odgoja
FBIH - Kantonalni odbor
Kantona Sarajevo
Predsjednik
Saudin Sivro, s. r.

Broj 02/01-30-4208-1/24
12. februara 2024. godine
Sarajevo
Za Vladu Kantona Sarajevo
Premijer
Nihad Uk, s. r.

Na osnovu člana 182. stav (3) Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", br. 24/22 i 40/22), Vlada Kantona Sarajevo i Samostalni sindikat osnovnog obrazovanja i odgoja Federacije Bosne i Hercegovine - Kantonalni odbor Samostalnog sindikata osnovnog obrazovanja i odgoja Kantona Sarajevo (u daljem tekstu: ugovorne strane) dana 12.02.2024. godine zaključuju sljedeći

SPORAZUM O PRODUŽENJU VAŽENJA KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Član 1.

U skladu sa ovim Sporazumom produžava se važenje Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", br. 24/22 i 40/22) do 01.01.2026. godine.

Član 2.

Ovaj Sporazum je potpisan u 7 (sedam) istovjetnih primjeraka od kojih svaka ugovorna strana zadržava po dva, a po jedan primjerak Vlada Kantona Sarajevo dostavlja Ministarstvu finansija Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo i "Službenim novinama Kantona Sarajevo" na objavu.

Član 3.

Ovaj Sporazum će biti objavljen u "Službenim novinama Kantona Sarajevo".

Broj 481/24
12. februara 2024. godine
Za Samostalni sindikat
osnovnog obrazovanja i odgoja
FBIH - Kantonalni odbor
SSOOiO Kantona Sarajevo
Predsjednik
Saudin Sivro, s. r.

Broj 02/01-30-4208-2/24
12. februara 2024. godine
Sarajevo
Za Vladu Kantona Sarajevo
Premijer
Nihad Uk, s. r.

Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo

Na osnovu člana 107. stav (2) alineja a) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 51/23), Komisija za tumačenje odredaba i praćenje primjene Kolektivnog ugovora za državne službenike i

namještenike u organima državne službe Kantona Sarajevo u sastavu Onahti Čerkez - predsjednik Elvis Zornić - zamjenik predsjednika, Adis Palo - član i Jasmina Lukovac - član, povodom zahtjeva Sindikalne organizacije Tužilaštva Kantona Sarajevo, broj SIN-06/2024 od 22.01.2024. godine, a u vezi sa tumačenjem člana 61. Kolektivnog ugovora za državne službenike i namještenike u organima državne službe Kantona Sarajevo (u daljnjem tekstu: Kolektivni ugovor), na redovnoj sjednici održanoj dana 30.01.2024. godine, donosi

ODLUKU

I

Utvrđuje se tumačenje člana 61. Kolektivnog ugovora kako slijedi:

"Povećanje plaće po osnovu člana 61. stav (1) čini sastavni dio plaće prema stavu (2) istog člana i istim je propisan i način obračuna naknade. Državni službenik i namještenik koji obavlja poslove radnog mjesta za koje je naknada pravilnikom o plaćama i naknadama organa državne službe utvrđena u skladu sa stavom (3) istog člana, ima pravo na naknadu kada je opravdano odsutan ili je odsutan radi godišnjeg odmora ili bolovanja."

II

Ova odluka će se dostaviti podnosiocu zahtjeva i Sindikatu putem Ministarstva pravde i uprave Kantona Sarajevo.

III

U skladu sa odredbom člana 107. stav (8) Kolektivnog ugovora, ova odluka ima pravnu snagu i učinak Kolektivnog ugovora, te će se u skladu sa članom 107. stav (14) objaviti u "Službenim novinama Kantona Sarajevo".

Članovi komisije
Onahti Čerkez, s. r.
Elvis Zornić, s. r.
Adis Palo, s. r.
Jasmina Lukovac, s. r.

Broj 03-03-02-2004-1/24
30. januara 2024. godine
Sarajevo

Ministarstvo za boračka pitanja Kantona Sarajevo

Na osnovu člana 12. stav (3) Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

PRAVILNIK

O IZMJENAMA I DOPUNAMA PRAVILNIKA ZA UTVRĐIVANJE PRAVA NA BANJSKO I KLIMATSKO LIJEČENJE (MEDICINSKA REHABILITACIJA)

Član 1.

(Izmjene i dopuna člana 2.)

- U Pravilniku za utvrđivanje prava na banjsko i klimatsko liječenje (medicinska rehabilitacija) ("Službene novine Kantona Sarajevo", broj 9/21) u članu 2. riječi i brojevi: "br. 45/12 - Prečišćeni tekst i 26/14, 46/17, 18/19, 20/20 i 24/20 - Ispravka", zamjenjuju se sa riječju i brojem: "broj 31/22".
- U članu 2. dodaje se novi stav (2) koji glasi:
"(2) Pravo na banjsko liječenje (medicinsku rehabilitaciju) pored lica iz stava (1) ovog člana mogu ostvariti i djeca šehida i poginulih branioaca".

Član 2.

(Dopuna člana 4.)

U članu 4. stav (1) iza riječi: "boravište", dodaju se riječi: ", uzuzev ratnih vojnih invalida-paraplegičara koji zahtjev predaju Ministarstvu putem svog udruženja".

Član 3.

(Dopuna člana 5.)

U članu 5. stav (2) iza riječi: "dokumenata", dodaju se riječi: "ne starijih od šest mjeseci u momentu predavanja zahtjeva".

Član 4.

(Novi član 7a.)

Iza člana 7. dodaje se novi član 7a. koji glasi:

Član 7a.

(Općinske komisije za utvrđivanje prioriteta za banjsko liječenje (medicinsku rehabilitaciju))

- (1) Općine mogu u sastavu svojih općinskih službi formirati općinske komisije za utvrđivanje prioriteta za upućivanje na banjsko liječenje (medicinsku rehabilitaciju) lica iz člana 2. ovog pravilnika.
- (2) Općine koje imaju općinske komisije za banjsko liječenje (medicinsku rehabilitaciju) moraju u sastavu ove komisije imati barem jednog ljekara.
- (3) Komisije iz stava (1) ovog člana utvrđuju prioritete na osnovu donijetog Pravilnika o utvrđivanju prioriteta za banjsko liječenje (medicinsku rehabilitaciju), a na osnovu kojeg popunjavaju obrasce prioriteta koje propisuje Ministarstvo na način da utvrđuju I, II ili III grupu prioriteta za upućivanje u banjsko lječilište i te prioritete dostavljaju Ministarstvu."

Član 5.

(Izmjena člana 8.)

Član 8. mijenja se i glasi:

"Član 8.

(Postupak za ostvarivanje prava)

- (1) Kompletiran zahtjev općinska služba proslijeđuje Ministarstvu, koje ga dostavlja na odlučivanje Ljekarskoj komisiji. Kompletiran zahtjev pretpostavlja da je općinska služba utvrdila da podnositelj zahtjeva ispunjava uvjete propisane zakonom i ovim pravilnikom za ostvarivanje prava na banjsko liječenje (medicinsku rehabilitaciju) i da je predata sva obavezna dokumentacija iz člana 5. ovog pravilnika te po potrebi dodaje i oznaku utvrđenog prioriteta za slanje po grupama.
- (2) Ljekarska komisija dostavljene predmete od strane općinske službe pregleda i verificira, na način da može potvrditi ili ispraviti ocjenu prioriteta od strane općinske komisije za banjsko liječenje.
- (3) Odluke Ljekarske komisije o upućivanju na banjsko liječenje (medicinsku rehabilitaciju) ili o odbijanju zahtjeva, a uzimajući u obzir prioritete iz stava (1) ovog člana, Ministarstvo uz dokumentaciju vraća općinskoj službi.
- (4) Općinska služba na pogodan način obavještava podnosioca zahtjeva kome je odobreno banjsko liječenje, a onima kojim je zahtjev odbijen obavezno upućuju pismenu obavijest o razlozima odbijanja.
- (5) Podnosioci zahtjeva koji su nezadovoljni odlukom Ljekarske komisije, mogu u roku od 15 dana od prijema obavijesti, neposredno ili putem općinske službe podnijeti prigovor Ministarstvu. Prigovor mora biti obrazložen, uz eventualno dostavljanje novih dokaza i mišljenja ljekara specijaliste iz zdravstvene ustanove koji je dao preporuku za ovu vrstu liječenja.
- (6) Po prigovoru iz stava (5) ovog člana rješava Ministarstvo u roku od 30 dana od zaprimanja prigovora, a na osnovu konačnog mišljenja Ljekarske komisije.

- (7) Prigovor se ne može podnijeti u slučaju zahtjeva korisnika kojem je odobreno određeno banjsko lječilište da se isto zamijeni sa drugim banjskim lječilištem, kao i u slučaju zahtjeva korisnika za odgađanje termina za upućivanje u banjsko lječilište, a u vezi sa procjenom Ljekarske komisije o aspektu efektivnog-indikativnog djelovanja određenog banjskog lječilišta na podnosioca zahtjeva."

Član 6.

(Dopuna i izmjene člana 9.)

- (1) U članu 9. stav (1) dodaje se nova tačka b) koja glasi:
"b) Ljekarska komisija pri odlučivanju o upućivanju na banjsko liječenje mora voditi računa da prioritet za slanje u banjska lječilišta po braniteljskom statusu pripada RVI 100%, RVI 90%, RVI 80% i RVI 70% invaliditeta i roditeljima šehida/poginulog branioca."
- (2) Dosadašnje tačke b) i c) postaju tačke c) i d).

Član 7.

(Izmjena člana 10.)

U članu 10. stav (2) mijenja se i glasi:

- "(2) Trajanje banjskog liječenja (medicinske rehabilitacije) je do 14 dana prema odluci Ljekarske komisije, osim za ratne vojne invalide-paraplegičare u trajanju od 21 dan, a trajanje klimatskog liječenja do sedam dana".

Član 8.

(Izmjena člana 12.)

U članu 12. stav (4) mijenja se i glasi:

- "(4) Izbor banjskog lječilišta Ministarstvo vrši u skladu sa važećim propisima iz oblasti javnih nabavki".

Član 9.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-4278/24

21. februara 2024. godine
Sarajevo

Ministar
Dr. sc. **Omer Osmanović**, s. r.

Na osnovu člana 66. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 56. stav (4) Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

PRAVILNIK**ZA UTVRĐIVANJE PRAVA NA DODJELU
JEDNOKRATNE NOVČANE POMOĆI****DIO PRVI - OSNOVNE ODREDBE**

Član 1.

(Predmet)

Ovim pravilnikom uređuju se korisnici i vidovi ostvarivanja prava na dodjelu jednokratne novčane pomoći, postupak ostvarivanja prava, uvjeti i kriteriji za ostvarivanje pojedinih vidova prava na jednokratnu novčanu pomoć, plaćanje dijela troškova vanrednog školovanja i paralelnog samofinansirajućeg, plaćanje dijela troškova II i III ciklusa Bolonjskog sistema studija, dodjela novčanih sredstava za rješavanje socijalnih potreba, plaćanje troškova stanarine, kao i druga pitanja od značaja za ostvarivanje prava na dodjelu jednokratne novčane pomoći spram raspoloživih budžetskih sredstava.